

Član 2.

Ova uredba stupa na snagu danom objavljivanja u "Službenom listu RBiH".

PR broj 1680/94
1. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

305

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O USLOVIMA POD KOJIMA SE PRAVA I OBAVEZE I POSLOVI U ZEMLJI MOGU IZVRŠAVATI I IZRAŽAVATI U STRANIM SREDSTVIMA PLAĆANJA

Član 1.

Ovom uredbom uređuju se uslovi pod kojima se prava i obaveze i poslovi zaključeni u Republici Bosni i Hercegovini (u daljem tekstu: Republika) između preduzeća, drugih domaćih pravnih lica i domaćih fizičkih lica mogu izvršavati i izražavati i u stranim sredstvima plaćanja (u daljem tekstu: domaći platni promet u stranim sredstvima plaćanja).

Član 2.

Domaći platni promet u stranim sredstvima plaćanja obavlja se preko Službe društvenog knjigovodstva Bosne i Hercegovine (u daljem tekstu: Služba).

Domaći platni promet u stranim sredstvima plaćanja iz stava 1. ovog člana obavlja se u njemačkim markama (u daljem tekstu: DEM).

Član 3.

Učesnici u domaćem platnom prometu u stranim sredstvima plaćanja, u smislu ove uredbе, su sva domaća pravna lica, njihovi dijelovi i fizička lica sa teritorije Republike koja kod Službe imaju otvoren devizni račun.

Pod fizičkim licima, u smislu stava 1. ovog člana, podrazumjevaju se samostalni privrednici ako su sa Službom sklopili ugovor o otvaranju deviznog računa.

Učesnik u domaćem platnom prometu u stranim sredstvima, u smislu stava 1. ovog člana, je i strano pravno i fizičko lice koje posluje u skladu sa odredbama ove uredbе.

Član 4.

Za poslovanje u domaćem platnom prometu u stranim sredstvima plaćanja primjenjuju se propisi koji važe za dinarski platni promet, ako ovom uredbom nije drukčije određeno.

Član 5.

Učesnici u domaćem platnom prometu u stranim sredstvima plaćanja mogu vršiti plaćanja i naplaćivanja u stranim sredstvima plaćanja od pravnih i fizičkih lica, ako ovom uredbom nije drukčije određeno.

Član 6.

Devizni blagajnički maksimum za učesnike u domaćem platnom prometu u stranim sredstvima plaćanja iznosi 1.000.- DEM s tim da pojedinačna isplata ne može biti veća od 100.- DEM.

Minimalni saldo na deviznim računima kod Službe mora da iznosi 300.- DEM.

Glavna knjiga i knjigovodstveni iskazi iskazuju se u dinarima, a pomoćne knjige, devizni račun i blagajna iskazuju se i u devizama.

Preračun deviza u dinare vrši se po srednjem kursu Narodne banke Bosne i Hercegovine (u daljem tekstu: Narodna banka).

Član 7.

Za otvaranje deviznog računa kod Službe učesnici u domaćem platnom prometu u stranim sredstvima plaćanja dužni su dostaviti, odnosno položiti:

- zahtjev za otvaranje deviznog računa;

- dokumentaciju koja se odnosi na ovlaštena lica koja mogu raspolagati sredstvima na ovim računima (karton-specimen); i
- devizni polog u stranim sredstvima plaćanja koji ne može biti niži od 300.- DEM.

Fizička lica, iz člana 3. stav 2. ove uredbе, pored dokumentacije i deviznog pologa iz stava 1. ovog člana, dužna su dostaviti i odobrenje opštinskog organa za samostalno obavljanje privredne ili profesionalne djelatnosti.

Odobrenje, iz stava 2. ovog člana, ne dostavljaju fizička lica koja već imaju otvoren dinarski žiro račun kod Službe.

Devizna sredstva na deviznim računima kod Službe ostvaruju se pologom u efektivnim deviznim sredstvima i u skladu sa Uputstvom Narodne banke i Službe.

Član 8.

Devizna sredstva sa deviznih računa kod Službe mogu se koristiti za kupovinu robe ili plaćanja usluga u domaćem prometu, kao i za plaćanje uvoza robe i usluga u inostranstvu, pod uslovima predviđenim Uredbom sa zakonskom snagom o deviznom poslovanju ("Službeni list RBiH", broj 10/94) i propisom kojim se uređuje spoljnotrgovinsko poslovanje.

Kad vlasnik deviznih sredstava na deviznim računima kod Službe, putem poslovne banke vrši plaćanje prema inostranstvu obavezan je Narodnoj banci u momentu plaćanja, radi formiranja deviznih rezervi Republike, prodati 10% deviznih sredstava od iznosa plaćanja prema inostranstvu, po kursu iz člana 59. Uredbe sa zakonskom snagom o deviznom poslovanju.

Član 9.

Republički prihodi, prihodi drugih društveno političkih zajednica, obaveze prema javnim i komunalnim preduzećima i preduzećima od posebnog interesa za Republiku i plate i druga lična primanja zaposlenih u domaćim pravnim i fizičkim licima ne mogu se izvršavati u devizama, izuzev prihoda i obaveza koji se, u skladu sa posebnim propisima ili odobrenjem Ministarstva finansija, izvršavaju u devizama.

Preduzeća od posebnog interesa za Republiku i robe i usluge koje se ne mogu prodavati i kupovati za devize određene rješenjem Ministarstva finansija na prijedlog resornog ministarstva.

Nadležni republički organ iz stava 2. ovog člana dužan je da Ministarstvu finansija dostavi spisak preduzeća od posebnog interesa za Republiku i spisak roba i usluga koje se ne mogu naplaćivati odnosno plaćati u devizama, u roku od 10 dana od dana stupanja na snagu ove uredbе.

Član 10.

Plaćanja prema inostranstvu realizuju se u skladu sa Uredbom sa zakonskom snagom o deviznom poslovanju i uputstvom za obavljanje platnog prometa sa inostranstvom, koje će donijeti Narodna banka.

Ovjeru naloga za plaćanje prema inostranstvu vrši Narodna banka.

Član 11.

Sprovođenje i kontrolu ove uredbе vršiće Služba, Finansijska policija, Narodna banka i Ministarstvo finansija, a po potrebi i drugi nadležni državni organi.

Član 12.

Novčanom kaznom od 1.000.- do 8.000.- DEM u dinarskoj protivvrijednosti po srednjem kursu koji utvrđuje i objavljuje Narodna banka, kazniće se za privredni prestup pravno lice ako:

- 1) vrši promet roba i usluga na domaćem tržištu, a nema otvoren devizni račun kod Službe (čl. 3. i 7.);
- 2) obavlja bezgotovinski domaći platni promet u stranim sredstvima plaćanja i promet koji je u suprotnosti sa članom 4. ove uredbе;
- 3) drži u deviznoj blagajni strana sredstva plaćanja iznad visine blagajničkog maksimuma, vrši plaćanja iz devizne blagajne koja su iznad dozvoljenog iznosa i knjigovodstvenu evidenciju ne iskazuje u dinarima, odnosno devizama (član 6.) i
- 4) ne vrši prodaju stranih sredstava plaćanja Narodnoj banci (član 8.).

Novčanom kaznom od 40.- do 400.- DEM u dinarskoj protivvrijednosti po srednjem kursu koji određuje i objavljuje Narodna banka, kazniće se za privredni prestup iz stava 1. ovog člana i direktor i drugi radnik sa posebnim ovlaštenjem u pravnom licu.

Član 13.

Novčanom kaznom od 40.- do 200.- DEM u dinarskoj protivvrijednosti po srednjem kursu koji utvrđuje i objavljuje Narodna banka kazniće se za prekršaj domaće i strano fizičko lice za radnje iz člana 12. ove uredbe.

Član 14.

Stupanjem na snagu ove uredbe prestaje da važi Odluka o uslovima pod kojima se može dati odobrenje da se naplata i plaćanje izvrše u efektivnom stranom novcu.

Odobrenja koja je izdala Narodna banka, u skladu sa odlukom iz stava 1. ovog člana, prestaju da važe narednog dana od dana stupanja na snagu ove uredbe.

Član 15.

Ova uredba stupa na snagu narednog dana od dana objavljivanja u "Službenom listu RBiH".

PR broj 1681/94.
1. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

306

Na osnovu člana 33. stav 3. Uredbe sa zakonskom snagom o oružanim snagama Republike Bosne i Hercegovine ("Službeni list RBiH", br. 4/92, 7/92, 12/92, 17/93 i 27/93), Predsjedništvo Republike Bosne i Hercegovine, donosi

ODLUKU

**O IZMJENAMA I DOPUNAMA PRAVILA O VOJNIM
UNIFORMAMA, ZASTAVI, OZNAKAMA ČINOVA,
RODOVA I DUŽNOSTI PRIPADNIKA ARMIIJE
REPUBLIKE BOSNE I HERCEGOVINE ZA VRIJEME
RATNOG STANJA**

Član 1.

U Pravilu o vojnim uniformama, zastavi, oznakama činova, rodova i dužnosti pripadnika Armije Republike Bosne i Hercegovine za vrijeme ratnog stanja ("Službeni list RBiH", broj 11/92), u članu 12. iza stava 2. dodaje se novi stav 3. koji glasi: "Naramenice za činove: major, pukovnik i brigadir su oivičene zlatno-žutom trakom širine 2,5 mm."

Član 2.

U članu 14. iza riječi "boje", dodaju se riječi: "oivičene zlatno-žutom trakom širine 5 mm".

Član 3.

U članu 18. st. 1. i 2. mijenjaju se i glase:

"Generali na šljemu, kapi i beretki nose znak pripadnosti Armiji sa lovorovim vijencem.

Članovi Predsjedništva, ministar odbrane i pomoćnici ministra odbrane na šljemu, kapi i beretki nose znak pripadnosti Armiji sa lovorovim vijencem."

Član 4.

U članu 19. iza riječi "boje", dodaju se riječi: "oivičene zlatno-žutom trakom širine 5 mm".

Član 5.

Ova odluka stupa na snagu danom objavljivanja u "Službenom listu RBiH".

PR broj 1679/94
1. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

307

Na osnovu člana 49. Poslovnika Predsjedništva Republike Bosne i Hercegovine ("Službeni list RBiH", broj 37/91 i "Službeni list RBiH", br. 5/92 i 23/93), Predsjedništvo Republike Bosne i Hercegovine, na sjednici od 1. jula 1994. godine, donijelo je

ODLUKU

**O RAZRJEŠENJU SAVJETNIKA U PREDSEDNIŠTVU
REPUBLIKE BOSNE I HERCEGOVINE**

I

Razrješava se dužnosti savjetnika u Predsjedništvu Republike Bosne i Hercegovine MALIK ŠKALJIC, radi odlaska na drugu dužnost.

II

Odluku objaviti u "Službenom listu RBiH".

Broj 02-111-458/94
1. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

308

Na osnovu člana 2. Zakona o pomilovanju ("Službeni list RBiH", broj 17/77 i "Službeni list RBiH", broj 6/92) i člana 48. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 1. jula 1994. godine, donijelo je

ODLUKU

O POMILOVANJU OSUĐENIH LICA

I

A) Potpuno se oslobadaju izvršenja kazne zatvora:
1. STAMENKOVIĆ (Stojana) ALEKSANDAR
2. BUBLIN (Saliha) NEDŽAD.

B) Djelimično se oslobadaju izvršenja kazne zatvora:
1. ČANGALOVIC (Manojla) VOJISLAV, u trajanju od 2 (dvije) godine - sa 4 (četiri) godine na 2 (dvije) godine;
2. ŠOJA (Janka) DRAGO, u trajanju od 2 (dvije) godine - sa 4 (četiri) godine i 6 (šest) mjeseci na 2 (dvije) godine i 6 (šest) mjeseci.

II

Ova odluka stupa na snagu danom donošenja, a objavit će se u "Službenom listu RBiH".

Broj 02-248-459/94
1. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

309

Na osnovu člana 13. Uredbe sa zakonskom snagom o vršenju inostranih poslova ("Službeni list RBiH", br. 19/92 i 24/92), Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 1. jula 1994. godine, donijelo je

ODLUKU

**O OTVARANJU AMBASADE REPUBLIKE BOSNE I
HERCEGOVINE U REPUBLICI MADARSKOJ**

I

Otvara se Ambasada Republike Bosne i Hercegovine u Republici Mađarskoj, sa sjedištem u Budimpešti.

II

Ovu odluku objaviti u "Službenom listu RBiH".

Broj 02-93-460/94
1. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

310

Na osnovu člana 5. Zakona o uvozu, carini i porezu na promet pri uvozu određenih proizvoda ("Službeni list RBiH", broj 15/94), Vlada Republike Bosne i Hercegovine, donosi

ODLUKU O PROMETU MOTORNIM BENZINA, DIZEL-GORIVA I LOŽ-ULJA

I

Ovom odlukom, za vrijeme ratnog stanja, propisuju se pravna lica koja mogu obavljati promet motornih benzina, dizel-goriva i lož-ulja na teritoriji Republike Bosne i Hercegovine (u daljem tekstu: Republika).

II

Vlada Republike Bosne i Hercegovine odrediće pravna lica koja će biti ovlaštena za uvoz motornih benzina, dizel-goriva i lož-ulja na teritoriji Republike.

III

Promet motornih benzina, dizel-goriva i lož-ulja u maloprodaji na teritoriji Republike mogu obavljati sva pravna lica sa teritorije Republike koja su registrovana za obavljanje navedene djelatnosti, a prodaja se može obavljati isključivo po cijenama utvrđenim ovom odlukom.

IV

U prometu motornih benzina, dizel-goriva i lož-ulja carina i druge carinske dažbine i porez na promet proizvoda plaćaju se prilikom carinjenja u skladu sa posebnim propisima.

V

Pravna lica, koja se bave prometom motornih benzina, dizel-goriva i lož-ulja formiraju cijenu ovih proizvoda za prodaju i to:

Struktura cijene u veleprodaji i maloprodaji:

- u DEM -

	BMB-91	MB-98	BMB-95	D-1	D-2	LUEL
Uvozna cijena	0,491	0,490	0,512	0,450	0,422	0,396
Zavisni troš. velepr.	0,050	0,050	0,050	0,050	0,050	0,050
Marža veleprodaj.	0,040	0,040	0,040	0,040	0,040	0,040
Vel. cijena VPC	0,581	0,580	0,602	0,540	0,512	0,486
Zav. trošk. malopr.	0,150	0,150	0,150	0,150	0,150	0,150
Marža malo-prodaj.	0,060	0,060	0,060	0,060	0,060	0,060
Prod. cijena bez poreza	0,791	0,790	0,812	0,750	0,722	0,696
Porez na prom. u %	60	90	60	80	80	15
Porez na pr. iznos	0,475	0,710	0,488	0,600	0,578	0,104
MPC sa porezom	1,270	1,500	1,300	1,350	1,300	0,800

VI

Uvoznu cijenu motornih benzina, dizel-goriva i lož-ulja, u smislu ove odluke, čini fakturisana cijena dobavljača FCO BiH granica uvećana za stvarne zavisne troškove nastale pri uvozu i uvoznu maržu.

Pozitivna odnosno negativna razlika između uvozne cijene formirane po odredbi stava 1. ove tačke i uvozne cijene iz tačke V ove odluke unose se na poseban račun vremenskih razgraničenja i na kraju godine prenosi na račun poreza.

VII

U iznosu poreza na promet sadržana je naknada za puteve.

VIII

Kvalitet naftnih derivata u prometu mora odgovarati važećim propisima, što se dokazuje uvjerenjem o kvalitetu za svaku isporuku.

Uvjerjenje o kvalitetu iz stava 1. ove tačke izdaje ovlaštena organizacija.

IX

Promet naftnih derivata ne može se obavljati iz prevoznog sredstva.

X

Novčanom kaznom od jednostrukog iznosa vrijednosti robe po cijeni naftnih derivata iz tačke V podtačka b) ove odluke kaznit će se pravno lice za prekršaj:

- 1) ako uveze naftu i naftne derivate bez ovlaštenja (tačka II),
- 2) ako vrši promet naftnih derivata a nije registrovano za taj promet (tačka III),
- 3) ako naftne derivate stavlja u promet po višim cijenama od propisanih (tačka V),
- 4) ako naftne derivate stavlja u promet bez uvjerenja o kvalitetu (tačka VIII),
- 5) ako vrši promet naftnih derivata iz prevoznog sredstva (tačka IX).

XI

Danom stupanja na snagu ove odluke prestaje da važi Odluka o prometu za strana sredstva plaćanja i određivanju maksimalne cijene naftnih derivata u Republici Bosni i Hercegovini ("Službeni list RBiH", broj 8/94).

XII

Ova odluka stupa na snagu danom objavljivanja u "Službenom listu RBiH".

V broj 126/94

21. juna 1994. godine
Sarajevo

Predsjednik

Vlade RBiH,

dr Haris Silajdžić, s. r.

311

Na osnovu člana 29. stav 5. Uredbe sa zakonskom snagom o ustanovama ("Službeni list RBiH", br. 6/92 i 8/93), Vlada Republike Bosne i Hercegovine, donosi

RJEŠENJE

O RAZRJEŠENJU PREDSEDNIKA UPRAVNOG ODBORA UMJETNIČKE GALERIJE BOSNE I HERCEGOVINE

Razrješava se PETAR VALDEG, dužnosti predsjednika Upravnog odbora Umjetničke galerije Bosne i Hercegovine. Ovo rješenje objaviti u "Službenom listu RBiH".

V broj 91/94

30. aprila 1994. godine
Sarajevo

Predsjednik

Vlade RBiH,

dr Haris Silajdžić, s. r.

312

Na osnovu člana 29. stav 5. Uredbe sa zakonskom snagom o ustanovama ("Službeni list RBiH", br. 6/92 i 8/93), Vlada Republike Bosne i Hercegovine, donosi

RJEŠENJE**O IMENOVANJU PREDSEDNIKA UPRAVNOG ODBORA UMJETNIČKE GALERIJE BOSNE I HERCEGOVINE**

Za predsjednika Upravnog odbora Umjetničke galerije Bosne i Hercegovine imenuje se prof. dr IBRAHIM KRZOVIĆ. Ovo rješenje objaviti u "Službenom listu RBiH".

V broj 92/94
30. aprila 1994. godine
Sarajevo

Predsjednik
Vlade RBiH,
dr Haris Silajdžić, s. r.

313

Na osnovu člana 29. stav 5. Uredbe sa zakonskom snagom o ustanovama ("Službeni list RBiH", br. 6/92 i 8/93), Vlada Republike Bosne i Hercegovine, donosi

RJEŠENJE**O IMENOVANJU UPRAVNOG ODBORA ZAVODA ZA ZAŠTITU ZDRAVLJA STUDENATA UNIVERZITETA U SARAJEVU**

1. Za predsjednika i članove Upravnog odbora Zavoda za zaštitu zdravlja studenata Univerziteta u Sarajevu imenuju se:
1) AZRA MUSTAGRUDIĆ, dipl. pravnik u Zavodu za zaštitu zdravlja studenata Univerziteta u Sarajevu, za predsjednika;

2) Prof. dr AMIR PLEHO, prorektor Univerziteta u Sarajevu, za člana;

3) Prof. dr AZRA KOZARČANIN, dekan Fakulteta za fizičku kulturu, za člana;

4) AMIRA dr BEGIĆ, specijalista oftalmolog u Zavodu za zaštitu zdravlja studenata, za člana i

5) JASMINKA HASIĆ, sekretar Ministarstva zdravlja, za člana.

2. Ovo rješenje objaviti u "Službenom listu RBiH".

V broj 111/94
16. juni 1994. godine
Sarajevo

Predsjednik
Vlade RBiH,
dr Haris Silajdžić, s. r.

314

Na osnovu člana 29. stav 5. Uredbe sa zakonskom snagom o ustanovama ("Službeni list RBiH", br. 6/92 i 8/93), Vlada Republike Bosne i Hercegovine, donosi

RJEŠENJE**O IMENOVANJU DIREKTORA ZAVODA ZA ZAŠTITU ZDRAVLJA STUDENATA UNIVERZITETA U SARAJEVU**

Za direktora Zavoda za zaštitu zdravlja studenata Univerziteta u Sarajevu imenuje se prim. dr HAJRUDIN HRENOVIĆ, specijalista ginekologije i akušerstva, trenutno na funkciji zamjenika direktora ovog zavoda.

Ovo rješenje objaviti u "Službenom listu RBiH".

V broj 112/94
16. juni 1994. godine
Sarajevo

Predsjednik
Vlade RBiH,
dr Haris Silajdžić, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 2. Ustava Republike Bosne i Hercegovine i člana 72. tačka 3. Poslovnika Ustavnog suda Bosne i Hercegovine, na sjednici održanoj 2. 6. 1994. godine, donio je

ODLUKU

Ukida se Odluka Predsjedništva okruga Sarajevo broj 39-01/94 od 2. 2. 1994. godine ("Službeni list RBiH", broj 5/94). Ova odluka objaviće se u "Službenom listu RBiH".

Obrazloženje

Rješenjem Ustavnog suda Bosne i Hercegovine od 31. 3. 1994. godine, pokrenut je postupak za ocjenjivanje ustavnosti navedene odluke, kojom se humanitarnim organizacijama koje su aktivne na području okruga Sarajevo, a posebno u gradu Sarajevu, zabranjuje izmještanje - iznošenje predmeta, roba i drugih proizvoda koji ne spadaju u lični prtljag, sa područja okruga Sarajevo.

Na ovaj način zabranjeno je obavljanje špeditskih usluga radi otpremanja stvari u druge dijelove Republike, odnosno u inostranstvo što, po ocjeni Ustavnog suda, predstavlja ograničenje prometa roba i usluga.

U odgovoru na navode iz rješenja o pokretanju postupka Predsjedništvo okruga Sarajevo navelo je da je osporena odluka donesena na osnovu člana 4. stav 2. Uredbe sa zakonskom snagom o obrazovanju i radu okruga, a u nedostatku pozitivnih propisa kojima bi se ta materija regulisala.

Prema Ustavu Republike Bosne i Hercegovine, Republika preko republičkih organa uređuje, između ostalog, odnose u oblasti prometa robe i usluga, kao i ograničenja prometa robe i usluga od interesa za Republiku u slučaju nestašice dobara neophodnih za potrebe privrede i život građana (član 304. stav 1. tačka 7.). U isključivoj nadležnosti Republike je kontrola prometa roba i usluga preko državne granice (član 304. Ustava Republike Bosne i Hercegovine u vezi sa članom 1. Uredbe sa zakonskom snagom o provođenju Odluke Republičkog referenduma ("Službeni list RBiH", broj 3/93).

Uredbom sa zakonskom snagom o obrazovanju i radu okruga ("Službeni list RBiH", br. 12/92, 14/92, 18/92, 21/92 i 3/93) propisano je da u oblastima koje se uređuju republičkim propisima, okružni organi u okviru svojih prava i dužnosti mogu, ako interesi odbrane i zaštite i hitnost uređivanja određenih pitanja i odnosa to zahtijevaju, svojim propisima uređivati ta pitanja i odnose od neposrednog interesa za okrug, ukoliko te propise blagovremeno ne mogu donijeti nadležni republički organi (član 4. stav 2.).

S obzirom da je Republika u okviru svoje ustavne nadležnosti Uredbom sa zakonskom snagom o robnom prometu i uslovima snabdijevanja za vrijeme ratnog stanja i vanrednih okolnosti ("Službeni list RBiH", br. 14/92, 13/93 i 21/93), uređila odnose u oblasti prometa roba i usluga u ratnom stanju i pri tome ovlastila nadležno ministarstvo da u toj oblasti propisuje privremene zabrane (član 18.), to, po ocjeni Ustavnog suda, ne postoje pretpostavke iz člana 4. stav 2. Uredbe sa zakonskom snagom o obrazovanju i radu okruga za donošenje osporene odluke.

Na osnovu izloženog odlučeno je kao u dispozitivu.

Odluka U broj 15/94
2. juni 1994. godine
Sarajevo

Prava i dužnosti predsjednika
Ustavnog suda BiH vrši sudija
prof. dr Ismet Dautbašić, s. r.

Narodna banka Bosne i Hercegovine

Na osnovu člana 38. Uredbe sa zakonskom snagom o bankama ("Službeni list RBiH", broj 10/94) i čl. 20. stav 1. tačka 7), 26, 27, 28 i 82. stav 1. pod a) 1. Uredbe sa zakonskom snagom o Narodnoj banci Bosne i Hercegovine ("Službeni list RBiH", broj 1/93), guverner Narodne banke Bosne i Hercegovine, donosi

ODLUKU**O POSTUPKU I BLIŽIM USLOVIMA ZA UTVRĐIVANJE DATUMA KOJIM SE BANKA ILI DRUGA FINANSIJSKA ORGANIZACIJA PROGLAŠAVA NELIKVIDNOM**

1. Ovom odlukom utvrđuje se postupak i bliži uslovi za utvrđivanje datuma kojim se banka ili druga finansijska organizacija (u daljem tekstu: Banka) proglašava nelikvidnom.

2. Narodna banka Bosne i Hercegovine (u daljem tekstu: Narodna banka) utvrđuje da je banka nelikvidna, na osnovu

podataka koje je Služba društvenog knjigovodstva dužna da joj dostavi u okviru svoje nadležnosti i iz kojih proizlazi da banka nije u roku izmirila dospelje obaveze u zemlji i prema inostranosti ili je te obaveze umjesto nje izvršilo drugo pravno lice ili društveno-politička zajednica po osnovu garancija, na osnovu čega se utvrđuje datum kojim se banka proglašava nelikvidnom.

3. Narodna banka, o utvrđenom datumu nelikvidnosti banke, obavještava:

- a) nadležnu organizaciju Službe društvenog knjigovodstva,
 - b) Skupštinu banke,
 - c) Skupštinu društveno-političke zajednice na čijoj je teritoriji sjedište banke,
 - d) sredstva javnog informisanja.
4. Ova odluka stupa na snagu danom donošenja, a objavit će se u "Službenom listu RBiH".

G broj 14/94
1. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu člana 152e. Zakona o Službi društvenog knjigovodstva ("Službeni list RBiH", br. 2/92, 10/94 i 13/94) i člana 7. stav 4. Uredbe sa zakonskom snagom o uslovima pod kojima se prava i obaveze i poslovi u zemlji mogu izvršavati i izražavati u stranim sredstvima plaćanja ("Službeni list RBiH", broj 16/94), guverner Narodne banke Bosne i Hercegovine i generalni direktor Službe društvenog knjigovodstva Bosne i Hercegovine, donose

UPUTSTVO

O NAČINU I POSTUPKU IZVRŠAVANJA DOMAĆEG PLATNOG PROMETA U STRANIM SREDSTVIMA PLAĆANJA

1. Domaći platni promet u stranim sredstvima plaćanja (u daljem tekstu: devizni platni promet u zemlji) vrši se u skladu sa Zakonom o Službi društvenog knjigovodstva, Uredbom sa zakonskom snagom o uslovima pod kojima se prava i obaveze i poslovi u zemlji mogu izvršavati i izražavati u stranim sredstvima plaćanja, drugim propisima i ovim uputstvom.

2. Devizne račune otvaraju jedinice Službe društvenog knjigovodstva BiH (u daljem tekstu: Služba) u okviru osnovnih računa iz Plana računa Službe za devizno poslovanje prema vrsti i karakteru podnosioca zahtjeva za otvaranje deviznog računa.

Devizni račun u Službi, po pravilu, može otvoriti svako pravno lice (domaće i strano) i dio pravnog lica i fizičko lice (domaće i strano) - samostalni privrednik koji već ima u Službi otvoren račun preko kojeg se obavlja platni promet u dinarima.

Izuzetno, fizička lica - koja samostalno obavljaju određenu privrednu i profesionalnu djelatnost mogu kod Službe imati devizni račun, a da ne raspolažu sa računom u Službi preko kojeg vrše poslovanje u dinarima.

Imaoci računa u Službi preko kojeg obavljaju dinarski platni promet, izuzev imaoaca žiro-računa 682, uz zahtjev za otvaranje deviznog računa u Službi, podnose dokumentaciju predviđenu članom 7. Uredbe sa zakonskom snagom o uslovima pod kojima se prava i obaveze i poslovi u zemlji mogu izvršavati i izražavati u stranim sredstvima plaćanja.

Za depozit deviznih sredstava svaka jedinica Službe otvorit će individualnu partiju deviznog računa 697-19 na koji će se izvršiti uplata depozita kod otvaranja deviznog računa, koji se po otvaranju deviznog računa pravnog i fizičkog lica prenosi na njegov devizni račun.

3. Devizni platni promet u Službi vrši se na istim principima i radnim postupcima kao i dinarski platni promet, ako to nije drugačije određeno propisima i ovim uputstvom.

4. Za poslovanje po otvorenom deviznom računu koriste se postojeći instrumenti u dinarskom platnom prometu, i to:

- 1) Za gotovinska plaćanja

- a) Za uplate
 - Opšta uplatnica - Obrazac br. 10 SDK
 - Posebna uplatnica - Obrazac br. 11 SDK

- b) Za isplate
 - ček - Obrazac br. 20 SDK
 - Nalog za gotovinsku isplatu - Obrazac br. 28 SDK
- 2) Za bezgotovinska - virmanska plaćanja
 - Opšti nalog za prenos - Obrazac br. 40 SDK
 - Poseban nalog za prenos - Obrazac br. 41 SDK
 - Obrazac br. 50 SDK.

3) Interni nalog Službe - Obrazac br. 50 SDK.
Obrazi iz ove tačke, izdati od strane izdavaoca, obavezno se precrtavaju sa dvije dijagonalno uporedne linije iz donjeg lijevog u gornji desni ugao.

Prilikom popunjavanja deviznih naloga oznaka za dinar (DIN) se precrta, a u polju za iznos upisuje se oznaka DEM, dvije crtice =, iznos u cijelom DEM, zatim tačka i crtica. - (npr. DEM = 100.-).

Za gotovinske uplate podnosioci obavezno prilažu Specifikaciju valute Obr. br. 410 DLBT u dva primjerka, a na poledini te Specifikacije upisuju serije novčanica za 50 i više DEM. Po izvršenoj uplati blagajnik Službe potvrđuje prijem stranog deviznog novca na uplatnici i Specifikaciji, čiji jedan primjerak se predaje uplatiocu.

5. U deviznom platnom prometu od strane imaoaca deviznih računa ne mogu se izdavati nalozi zaduženja za naplatu na teret drugih imaoaca deviznih računa, osim naloga Službe po osnovu sudskih i drugih izvršnih naloga i naloga Službe po osnovu obračuna i naplate naknada za poslove i usluge Službe po deviznom platnom prometu.

6. Devizni platni promet u zemlji u principu se zasniva na položenom efektivnom stranom novcu kod Službe na devizne račune imaoaca, sa kojih se vrše gotovinske isplate ili virmanski prenos u sjedištu organizacione jedinice i između različitih sjedišta Službe, ukoliko za to postoje organizaciono-tehnički uslovi.

7. Poslovne banke i pošte ne mogu biti nosioci deviznog platnog prometa u zemlji.

Poslovne banke imaju isti položaj kao i ostali imaoци deviznih računa kod Službe, osim kada imaoци deviznih računa vrše virmanski prenos na devizni račun poslovne banke za plaćanje obaveza prema inostranstvu i obratno.

Imaoци deviznih računa kod Službe kada žele da iz tih sredstava preko poslovne banke plate svoje obaveze prema inostranstvu daju nalog za zaduženje svog deviznog računa i odobrenje deviznog računa odnosno poslovne banke. Poslovna banka dužna je izvršiti plaćanja obaveza prema inostranstvu u skladu sa propisima po nalogu imaoaca deviznog računa, a sredstva sa svog deviznog računa kod Službe može podići ili ih koristiti za virmanska plaćanja.

Kada je u pitanju prenos deviznih sredstava sa deviznih računa, koje imaoци imaju kod poslovne banke na devizni račun banke otvoren kod Službe, banka je dužna da sa svog računa kod Službe izvrši prenos na devizni račun odnosno imaoaca ukoliko raspolaže sa pokrićem na svom računu ili da izvrši uplatu efektivnog novca na svoj devizni račun kod Službe.

8. Izvršavanje virmanskih prenosa deviznih sredstava sa računa iz jedne organizacione jedinice Službe u korist računa kod druge jedinice (plaćanje između različitih mjesta) vrši se za sada putem telefaksa i telefona. Ovi prenosu mogu se izvršiti ako je omogućen i fizički prenos gotovine iz jedne jedinice u drugu jedinicu Službe.

9. Kao dokaz o izvršenoj uplati efektivnog stranog novca koriste se drugi primjerak posebne uplatnice koju po primitku efektivne ovjerava Služba, a za izvršen prenos deviznih sredstava koriste se treći primjerak posebnog naloga za prenos koji po izvršenoj obradi i izradi izvoda po deviznom računu uz predočenje izvoda i izvršenog naloga od strane tražioca ovjerava Služba.

10. Organizaciona jedinica Službe izvještava imaoaca deviznih računa kod Službe o promjenama i stanju deviznih sredstava na njihovim računima kod Službe putem Izvještaja o promjenama i stanju sredstava na računu - Izvodu, s tim što će na desnoj gornjoj strani biti upisano DEM.

11. Uputstvo stupa na snagu narednog dana od dana objavljivanja u "Službenom listu RBiH".

Broj NB BiH 01-693/94
Broj SDK BiH-10-952

1. juli 1994. godine
Sarajevo

Gouverner
Narodne banke BiH,
Kasim Omićević, s. r.

Zamjenik generalnog direktora
Službe društvenog knjigovodstva
Bosne i Hercegovine,
Miroslav Franjković, s. r.

SLUŽBENE OBJAVE

PROGLAŠENJE UMRILIM

Osnovni sud II u Sarajevu i to sudija Šabanović Aida u vanparničnom predmetu predlaže Kušec Branka iz Sarajeva, radi utvrđivanja smrti Kušec Krunoslava iz Sarajeva zastupnog po posebnom staratelju Plato Akifu, radi utvrđivanja smrti na osnovu čl. 62. i 65. Zakona o vanparničnom postupku RBiH, izdaje

O G L A S

Kušec Krunoslav rođen 8. 7. 1931. g. na ostrvu Krku-Rijeka po zanimanju penzioner, sa posljednjim prebivalištem u Sarajevu ul. Splitska br. 5 navodno je ubijen na Grbavici dana 13. 3. 1994. g. Poziva se Kušec Krunoslav i svako drugo lice koje bilo šta zna o njegovom životu ili smrti da se u roku od 30 dana od objavljivanja oglasa u "Službenom listu RBiH", javi ovom sudu - Osnovni sud II Sarajevo ul. Senoina br. 1, soba broj 21.

Po isteku roka od 30 dana sud će donijeti odluku po prijedlogu za dokazivanje smrti. (so-176/94)

PUTNE ISPRAVE

Ministarstvo unutrašnjih poslova Sarajevo objavljuje nevažećim sljedeće putne isprave:

- pasoš broj BH-261508 izdat 1. 10. 1993. godine u Generalnom konzulatu RBiH u Stuttgartu, na ime BANDIĆ ENISA,
- pasoš broj BH-261507 izdat 1. 10. 1993. godine u Generalnom konzulatu RBiH u Stuttgartu na ime BANDIĆ RAHIMA,

- pasoš broj BH-261510 izdat 1. 10. 1993. godine u Generalnom konzulatu RBiH u Stuttgartu, na ime BANDIĆ EDISA,
- pasoš broj BH-261509 izdat 1. 10. 1993. godine u Generalnom konzulatu RBiH u Stuttgartu, na ime BANDIĆ FADIL

- pasoš broj BH-263653 izdat 9. 10. 1993. godine u Generalnom konzulatu RBiH u Stuttgartu, na ime BURNIĆ DENIS.
- Navedene putne isprave proglašene su nevažećim rješenjem Generalnog konzulata RBiH u Stuttgartu broj: V-SS-546/94 od 31. 5. 1994. godine. (so-172/94)

Ministarstvo unutrašnjih poslova obavještava da je Generalni konzulat RBiH u Minhenu, rješenjem broj 1044/94 od 30. 3. 1994. godine, proglasio nevažećim sljedeće putne isprave:

- pasoš broj BH-137348 izdat 3. 9. 1993. godine u Generalnom konzulatu RBiH u Minhenu, na ime BEŠIĆ FUAD,
- pasoš broj BH-143603 izdat 15. 10. 1993. godine u Generalnom konzulatu RBiH u Minhenu, na ime DŽIBRIĆ ALMAZAGA,

- pasoš broj BH-143423 izdat 18. 10. 1993. godine u Generalnom konzulatu RBiH u Minhenu, na ime AVDIĆ MIR-SAD,

- pasoš broj BH-140893 izdat 28. 9. 1993. godine u Generalnom konzulatu RBiH u Minhenu, na ime HAMZIC ALMIR.

- pasoš broj BH-418714 izdat 2. 3. 1994. godine u Generalnom konzulatu RBiH u Minhenu, na ime DRUŽANOVIC MINKA,

- pasoš broj BH-414077 izdat 26. 1. 1994. godine u Generalnom konzulatu RBiH u Minhenu, na ime ČOSIĆ MUHREM

- pasoš broj BH-141636 izdat 6. 10. 1993. godine u Generalnom konzulatu RBiH u Minhenu, na ime KAŠMO LATIĆ (so-173/94)

Ministarstvo unutrašnjih poslova Sarajevo objavljuje nevažećim sljedeće putne isprave:

- pasoš broj BH-192820 izdat 28. 6. 1993. godine u Generalnom konzulatu RBiH u Minhenu, na ime ISLAMOVIC IDO

- pasoš broj BH-048401 izdat 5. 4. 1993. godine u Generalnom konzulatu RBiH u Tuzli na ime MUHAREMOVIĆ MEHMEDALIJA.

Navedene putne isprave proglašene su nevažećim rješenjem Generalnog konzulata RBiH u Minhenu broj 1994/94 od 4. 6. 1994. godine. (so-174/94)

SADRŽAJ

303	Uredba sa zakonskom snagom o promjeni vrijednosti dinara	265	312	Rješenje o imenovanju predsjednika Upravnog odbora Umjetničke galerije Bosne i Hercegovine	268
304	Uredba sa zakonskom snagom o izmjenama i dopunama Uredbe sa zakonskom snagom o službi u Armiji Republike Bosne i Hercegovine	265	313	Rješenje o imenovanju Upravnog odbora Zavoda za zaštitu zdravlja studenata Univerziteta u Sarajevu	269
305	Uredba sa zakonskom snagom o uslovima pod kojima se prava i obaveze i poslovi u zemlji mogu izvršavati i izražavati u stranim sredstvima plaćanja	266	314	Rješenje o imenovanju direktora Zavoda za zaštitu zdravlja studenata Univerziteta u Sarajevu	269
306	Odluka o izmjenama i dopunama Pravila o vojnim uniformama, zastavi, oznakama činova, rodova i dužnosti pripadnika Armije Republike Bosne i Hercegovine za vrijeme ratnog stanja	267		USTAVNI SUD BOSNE I HERCEGOVINE	
307	Odluka o razrješenju savjetnika u Predsjedništvu Republike Bosne i Hercegovine	267		Odluka o ukidanju odluke Predsjedništva okruga Sarajevo broj 39-01/94 od 2. 2. 1994. godine ("Službeni list RBiH", broj 5/94)	269
308	Odluka o pomilovanju osuđenih lica	267		NARODNA BANKA BOSNE I HERCEGOVINE	
309	Odluka o otvaranju Ambasade Republike Bosne i Hercegovine u Republici Mađarskoj	267		Odluka o postupku i bližim uslovima za utvrđivanje datuma kojim se banka ili druga finansijska organizacija proglašava nelikvidnom	269
310	Odluka o prometu motornih benzina, dizel-goriva i lož-ulja	268		Uputstvo o načinu i postupku izvršavanja domaćeg platnog prometa u stranim sredstvima plaćanja u Službi društvenog knjigovodstva Bosne i Hercegovine	270
311	Rješenje o razrješenju predsjednika Upravnog odbora Umjetničke galerije Bosne i Hercegovine	268			

TARIFA I

Organi, organizacije, zajednice i pojedinci koji dostavljaju oglase radi objavljivanja u "Službenom listu RBiH", na ime objave plaćaju po propisanoj tarifi i to:

1. OGLAŠAVANJE NEVAŽEĆIM LIČNIH ISPRAVA I DOKUMENATA

- svjedočanstva, radne knjižice, knjižice za povlaštenu vožnju, čekovne karte, čekovi i druge isprave DEM 1,50

Za lica iz tačke I uz primjenu tačke III Odluke o oslobađanju od plaćanja određenih komunalnih usluga ("Službeni list RBiH", broj 14/94) ova tarifa iznosi 0,50 DEM (pripadnik oružanih snaga, ratni vojni invalid i porodica palog borca)

- izgubljena invalidska knjižica DEM 0,50

2. OGLASI REDOVNIH SUDOVA

- proglašenje umrlih, dokazivanje smrti, ostavinski i parnični postupak DEM 8,00

3. SLUŽBENE OBJAVE

- upis u sudski registar i brisanje iz sudskog registra po jednom redu kucanom na mašini DEM 1,00

- oglašavanje nevažećih pečata, štamblja, čekova i ostale službene objave po jednom redu kucanom na mašini DEM 1,00

Za sve vrste oglasa uplate se vrše UNAPRIJED na žiro-račun broj: 10100-603-1396 ili u gotovu na blagajni Službenog lista RBiH, Sarajevo, Ulica Magribija 3.

Uplatnica treba da bude čitko popunjena sa naznakom svrhe uplate.

Ova tarifa primjenjuje se od 1. jula 1994. godine.

Tarifa se naplaćuje u dinarskoj protuvrijednosti po tržišnom kursu DEM koji primjenjuju poslovne banke u mjestu gdje se vrši uplata.

TARIFA II

Pravna lica sa sjedištem u Republici i inozemstvu i fizička lica sa prebivalištem u inozemstvu (član 13. Uredbe sa zakonskom snagom o deviznom poslovanju - "Službeni list RBiH", broj 10/94), plaćaju: akontaciju pretplate na "Službeni list RBiH", za II kvartal 1994. godine DEM 30,00; USD 17,60; GBP 11,80; CHF 25,60; ATS 210,30; za službene objave po jednom redu kucanom na mašini DEM 1,50; USD 0,90; GBP 0,60; CHF 1,30; ATS 10,50.

Uplate iz inozemstva vršiti preko računa Narodne banke Bosne i Hercegovine kod slijedećih inozemnih banaka: Deutsche bank AG, Frankfurt/Main račun broj 9359316 DEM i USD, Barclays Bank PLC London račun broj 60867888 GBP, Union Bank of Switzerland Zürich račun broj 6010905 J CHF, Creditanstalt Bankverein Wien račun broj 0101-66007/00 ATS, Credit Lyonnais Paris račun broj 9100-23 107 U FRF. Svrha doznake: U korist računa 7230-7/0080 Ministarstvo finansija ("Službeni list RBiH") za pretplatu - oglas - službenu objavu